

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

ДОМ НАРОДА

Комисија за спољну и трговинску
политику, царине, саобраћај и
комуникације



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

DOM NARODA

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-4/20
Sarajevo, 13. 2. 2020

ORIJENTACIONI PLAN RADA

KOMISIJE ZA VANJSKU I TRGOVINSKU POLITIKU, CARINE, SAOBRAĆAJ I KOMUNIKACIJE DOMA NARODA PSBiH ZA 2020. GODINU

Sarajevo, januar 2020. godine

PLAN RADA
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE DOMA NARODA PSBiH
U 2020. GODINI

UVOD

Osnovni cilj rada Komisije za vanjsku i trgovinsku politiku, carine, saobraćaj i komunikacije Doma naroda (u daljnjem tekstu: Komisija) jeste da osigura kvalitetnu pripremu rada i što bolje i efikasnije funkcioniranje Doma naroda, a time i Parlamentarne skupštine BiH, provođenjem općih opredjeljenja zacrtanih Ustavom BiH i Dejtonskim mirovnim sporazumom te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda PSBiH unutar države i njenim međunarodnim obavezama.

Djelokrug Komisije određen je članom 40. Poslovnika Doma naroda PSBiH prema kojem:

“Komisija za vanjsku i trgovinsku politiku, carine, saobraćaj i komunikacije:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje Bosne i Hercegovine s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- e) razmatra pitanja rada institucija BiH, nadležnih za pitanja vanjskih poslova i međunarodnih odnosa;
- f) razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- g) razmatra pitanja davanja i otkazivanja saglasnosti za ratifikaciju međunarodnih ugovora, sporazuma i konvencija;
- h) razmatra pitanja koja se odnose na vanjskotrgovinsku politiku;
- i) razmatra pitanja koja se odnose na sporazume o međunarodnoj trgovini;
- j) razmatra pitanja koja se odnose na carinsku politiku;
- k) razmatra pitanja koja se odnose na tarife, propise i zakone iz svoje oblasti;
- l) razmatra pitanja koja se odnose na međunarodne obaveze Bosne i Hercegovine;
- m) razmatra odnose s međunarodnim trgovinskim institucijama;
- n) razmatra pitanja koja se odnose na putne isprave;
- o) razmatra pitanja koja se odnose na uspostavu i funkcioniranje zajedničkih i međunarodnih komunikacija;

- p) razmatra pitanja koja se odnose na reguliranje međunarodnog i međuentitetskog saobraćaja;
- r) razmatra pitanja koja se odnose na civilno zrakoplovstvo;
- s) razmatra pitanja koja se odnose na informaciono-komunikacione tehnologije.

(2) Komisija razmatra i druga pitanja iz oblasti međunarodnih odnosa i vanjskih poslova, vanjske trgovine, carina, saobraćaja i komunikacija.“

Obaveza izrade i dostavljanja orijentacionog plana rada za sve komisije predviđena je članom 55. stav (2) Poslovnika Doma naroda.

Kao prioritete u Programu rada Doma naroda, a u domenu nadležnosti Komisije za vanjsku i trgovinsku politiku, carine, saobraćaj i komunikacije, predlažemo:

- blagovremeno donošenje zakona predviđeno dinamikom rada institucija Bosne i Hercegovine za 2020. godinu;
- blagovremeno razmatranje zahtjeva za davanje saglasnosti za ratificiranje i otkazivanje međunarodnih sporazuma;
- blagovremeno razmatranje izvještaja o radu i drugih materijala dostavljenih od institucija Bosne i Hercegovine;
- praćenje aktivnosti nadležnih institucija u procesu realizacije obaveza preuzetih potpisivanjem Sporazuma o stabilizaciji i pridruživanju, u dijelu nadležnosti Komisije;
- razmatranje vanjskotrgovinske politike BiH i provođenja međunarodnih trgovinskih ugovora, naročito ugovora o slobodnoj trgovini;
- izvršavanje obaveza u međunarodnim i regionalnim organizacijama, u bilateralnim odnosima, obaveza Parlamentarne skupštine BiH prema drugim parlamentima, te drugih obaveza predviđenih za ovu godinu;
- praćenje ostalih aktivnosti institucija Bosne i Hercegovine u domenu vanjske politike, vanjske trgovine, saobraćaja i komunikacija.

S obzirom da do izrade ovog Orijentacionog plana Vijeće ministara BiH nije dostavilo Program rada za 2020. godinu, Orijentacioni plan je sačinjen na osnovu nerealizovanih aktivnosti iz Programa rada Vijeća ministara za 2019. godinu koje spadaju u nadležnost Komisije, te na osnovu odredbi pojedinih zakona kojima se regulira dostavljanje godišnjih izvještaja o radu institucija BiH Parlamentarnoj skupštini BiH, kao i imenovanja rukovodnih struktura u institucijama BiH.

Najviše aktivnosti Komisije odnosi se na razmatranje materijala dostavljenih od drugih institucija, a u skladu s nadležnostima Komisije i zaduženjima Kolegija Doma naroda PSBiH. Stoga je za uspješnu realizaciju Plana rada od ključnog značaja blagovremeno dostavljanje materijala, prije svega, od Vijeća ministara BiH i Predsjedništva BiH, ali i svih drugih nadležnih institucija.

PLAN RADA

JANUAR - MART

- **Razmatranje prijedloga zakona iz nadležnosti Komisije**
 - *Zakon o elektronskoj identifikaciji i uslugama povjerenja za elektronske transakcije*
 - *Zakon o izmjenama i dopunama Zakona o sistemu državne pomoći u Bosni i Hercegovini*
 - *Zakon o regulatoru električne energije i prirodnog gasa, prenosu i tržištu električne energije u BiH*
 - *Zakon o vanjskim poslovima BiH*
 - *Ostali prijedlozi zakona dostavljeni u parlamentarnu proceduru*

- **Razmatranje davanja saglasnosti za ratificiranje međunarodnih ugovora, sporazuma i konvencija**

- **Razmatranje izvještaja o radu**
 - *Izveštaja o radu Vijeća ministara BiH za 2017. i 2018. godinu u dijelu nadležnosti Komisije*
 - *Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2017. i 2018. godinu*
 - *Izveštaj o radu i poslovanju BHRT-a za 2017. godinu, Izveštaja o realizaciji programskih planova BHT 1, BH Radija 1, Muzičke produkcije BHRT-a i Portala BHRT-a za 2017. godinu*
 - *Finansijski plan BHRT-a za 2018. godinu i Programskih planova BHT 1, BH Radija 1, Multimedije i Muzičke produkcije BHRT-a za 2018. godinu*
 - *Izveštaj o realizaciji programskih planova BHT 1, BH Radija 1, Muzičke produkcije BHRT-a i Multimedije BHRT-a za 2018. godinu, Finansijskog plana i programskih planova BHT1 1 BH Radija 1, Muzičke produkcije BHRT-a i Multimedije BHRT-a za 2019. godinu*
 - *Izveštaj o finansijskom poslovanju BHRT-a za period 01. 01. – 31. 12. 2018. godine,*
 - *Izveštaj o radu i Finansijski izvještaj Agencije za poštanski saobraćaj Bosne i Hercegovine za 2018. godinu*
 - *Izveštaj o radu Upravnog odbora Izvozno kreditne agencije Bosne i Hercegovine za 2018. godinu*

- *Informacija o stanju u Izvozno kreditnoj agenciji Bosne i Hercegovine -IGA*
- *Izveštaj o radu Državne regulatorne komisije za električnu energiju u 2018. godini*
- **Međunarodne aktivnosti**

Parlamentarni plenum Energetske zajednice

APRIL - JUNI

- **Razmatranje prijedloga zakona iz nadležnosti Komisije**
 - *Zakon o međunarodnom i međuentitetskom cestovnom prijevozu*
 - *Zakon o osnovama sigurnosti prometa na cestama u BiH*
 - *Zakon o radnom vremenu, obaveznim odmorima mobilnih radnika i uređajima za evidentiranje u cestovnom prijevozu*
 - *Zakon o zrakoplovstvu*
 - *Zakon o sigurnosnim istragama u civilnom zrakoplovstvu*
 - *Zakon o poštanskim uslugama BiH*
 - *Zakon o informacionoj sigurnosti i sigurnosti mrežnih i informacionih sistema*
 - *Zakon o lijekovima i medicinskim sredstvima BiH*
 - *Ostali prijedlozi zakona dostavljeni u parlamentarnu proceduru*
- **Razmatranje davanja saglasnosti za ratificiranje međunarodnih ugovora, sporazuma i konvencija**
- **Razmatranje izvještaja o radu**
 - *Razmatranje Izvještaja o radu Vijeća ministara za 2019. godinu u dijelu nadležnosti Komisije*
 - *Razmatranje Izvještaja o radu Državne regulatorne komisije za električnu energiju u 2019. godini*
 - *Izveštaj o radu i Finansijski izvještaj Agencije za poštanski saobraćaj Bosne i Hercegovine za 2019. godinu*
 - *Razmatranje Izvještaja o radu Upravnog odbora Izvozno-kreditne agencije BiH za 2019. godinu*
 - *Analiza vanjskotrgovinske razmjene Bosne i Hercegovine u 2019. godini*

- **Imenovanja**
 - *Imenovanje člana Državne regulatorne komisije za električnu energiju*
- **Tematske sjednice**
 - *Održavanje jedne tematske sjednice o pitanjima iz nadležnosti Komisije*
- **Međunarodne aktivnosti**
 - *Šesti Energetski samit*

JULI - SEPTEMBAR

- **Razmatranje prijedloga zakona iz nadležnosti Komisije**
 - *Zakon o željeznicama BiH*
 - *Zakon o elektronskim komunikacijama i elektronskim medijima*
 - *Zakon o javnom radiotelevizijskom sistemu u BiH*
 - *Zakon o vinu Bosne i Hercegovine*
 - *Zakon o izmjeni zakona o poljoprivredi, ishrani i ruralnom razvoju Bosne i Hercegovine*
 - *Zakon o hrani Bosne i Hercegovine*
 - *Zakon o operatoru prenosnog sistema u Bosni i Hercegovini*
 - *Ostali prijedlozi zakona dostavljeni u parlamentarnu proceduru*
- **Razmatranje davanja saglasnosti za ratificiranje međunarodnih ugovora, sporazuma i konvencija**
- **Razmatranje izvještaja o radu**
 - *Razmatranje Izvještaja o radu i poslovanju BHRT-a za 2019. godinu*
 - *Razmatranje Izvještaja iz oblasti poljoprivrede, ishrane i ruralnog razvoja za Bosnu i Hercegovinu za 2019. godinu*

OKTOBAR - DECEMBAR

- **Razmatranje prijedloga zakona iz nadležnosti Komisije**
 - *Zakon o carinskim prekršajima*
 - *Zakon o carinskoj politici*
 - *Zakon o tehničkim zahtjevima za proizvode i ocjenjivanju usklađenosti*
 - *Zakon o nadzoru nad tržištem BiH*
 - *Ostali prijedlozi zakona dostavljeni u parlamentarnu proceduru*

- **Razmatranje davanja saglasnosti za ratificiranje međunarodnih ugovora, sporazuma i konvencija**

- **Tematske sjednice**
 - *Održavanje jedne tematske sjednice o pitanjima iz nadležnosti Komisije*

- **Međunarodne aktivnosti**
 - *Parlamentarni plenum Energetske zajednice*

- **OSTALE AKTIVNOSTI – KONTINUIRANO TOKOM GODINE**
 - *Razmatranje informacija nadležnih ministarstava Vijeća ministara BiH koje su u nadležnosti Komisije*
 - *Učešće u razgovorima s delegacijama drugih državnih parlamenata, te predstavljanje Parlamentarne skupštine BiH u zemlji i inozemstvu*
 - *Praćenje procesa pristupanja Bosne i Hercegovine Svjetskoj trgovinskoj organizaciji*
 - *Razmatranje informacija i dopisa Ministarstva vanjskih poslova BiH*
 - *Razmatranje izvještaja o rezultatima posjeta delegacija Parlamentarne skupštine BiH u međunarodnim aktivnostima – koji budu dostavljeni Komisiji*
 - *Razmatranje Izvještaja o radu i Orijentacionog plana rada Komisije*
 - *Razmatranje drugih materijala koji su, prema Poslovniku, u nadležnosti Komisije*

ZAKLJUČAK

Plan rada za 2020. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisit će od prijema materijala od institucija koje ih upućuju i zaduženja od Kolegija Doma naroda, odnosno Zajedničkog kolegija oba doma.

Nove obaveze koje se mogu pojaviti, a koje nisu predviđene ovim planom, bit će blagovremeno u njega uvrštene, odnosno blagovremeno razmatrane.

Predsjedavajući Komisije

Dr. Amir Fazlić